



Menningar-, íþrótt- og tómsundaráð  
Reykjavíkurborgar

***Umsögn Fjölmeningarráðs um tillögur um fjölmeningarfræðslu fyrir sjálfboðaliða og þjálfara í íþrótt- og tómsundastarfi í Reykjavík***

Fjölmeningarráð þakkar Menningar-, íþrótt- og tómsundaráði fyrir umsagnarbeiðni varðandi tillögu um fjölmeningarfræðslu fyrir sjálfboðaliða og þjálfara í íþrótt- og tómsundastarfi í Reykjavík. Ráðið fagnar því samtali sem hér á sér stað, enda er mikilvægt að fagráðin hlusti á raddir grasrótarinnar við ákvarðanatöku innan málaflokksins.

Fjölmeningarráð telur mikilvægt að borgin stuðli að virkri þátttöku allra barna og unglínga í íþrótt- og tómsundastarfi, sérstaklega barna af erlendum uppruna. Þátttaka í frístundum er partur af félagslegri viðurkenningu, hluti af samþættingu og gagnkvæmri aðlögun og hefur jákvæð áhrif á velliðan barnanna og ungmenna.

Skýrsla starfshóps um fjölmeningarfræðslu er vel unnin og taka tillögur starfshópsins sérstaklega mið af starfsemi íþróttafélaga sem er ný nálgun í þessum málaflökki þar sem er undirstrikað að félagsleg þátttaka barna af erlendum uppruna er aldrei einungis á ábyrgð foreldra þeirra eða barnanna sjálfra. Fjölmeningarráð telur mikilvægt að unnið sé með einstaklingum sem starfa innan íþróttafélaga til að styrkja þau í þeirra hlutverki að stuðla að aukinni þátttöku barna af erlendum uppruna í íþrótt- og tómsundastarfi.

Samkvæmt 13. gr. samstarfssamnings milli Reykjavíkurborgar og íþróttabandalags Reykjavíkur (hér eftir ÍBR), dags. 24. október 2016, skulu ÍBR og íþróttafélögin hafa virka jafnréttisstefnu og siðareglur og fylgja mannréttinda- og forvarnarstefnu Reykjavíkurborgar. ÍBR og íþróttafélögin skulu jafnframt kynna sér stefnumótun Reykjavíkurborgar í mannréttinda- og forvarnarmálum. Fjölmeningarráð telur að með fjölmeningarfræðslu megi vinna að ofangreindu markmiði og færa aðilum í íþrótt- og tómsundastarfi tæki sem nýta megi til að koma til móts við iðkendur af erlendum uppruna sem og foreldra eða forsjáradíla þeirra.

Fjölmeningarráð telur rétt að undirstrika að ekki er nóg að einblína á upplýsingagjöf til foreldra og barna af erlendum uppruna, heldur þarf að virkja þá einstaklinga sem starfa með börnunum innan íþróttafélaga. Fjölmeningarráðið fagnar að með þessum tillögum sé horft til gagnkvæmrar aðlögunar og ábyrgðar þeirra sem starfa innan íþróttafélaga. Aukið menningarnæmni og meðvitund um fjölbreytileika samfélagsins er hluti af grunnfærni allra sem starfa með börnum af erlendum uppruna.

Virðingarfyllst,

formaður Fjölmeningarráðs  
Sabine Leskopf